



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs L. Deus deorum Dominus.

**urn:nbn:de:hbz:466:1-44993**

21 Hæc totis TERRIGENIS data,  
Quos dementat agens præcipites honor;  
Vt ceu quadrupedum genus  
Scindantur variis & pereant malis.

## PSALMVS I.

Deus deorum Dominus.

## EVANGELII TRVTVNA.

Psalmus Assaph.

*Carmen Tricolon Tetraastrophon.*

- I**AS DEVS, qui & FORTIS, auens loqui,  
Terram vocatam cominus arguet;  
Sol vnde primo lucet ortu;  
Quaque subit nitida ora celans.
- 2 Ille & decoris summa potens DEVS  
Monte è Sionis promicuit sacro,  
Noster DEVS non ille surdo aut  
Numine perueniet silente.
- 3 Absimet ignis præuius asperum,  
Sordensque quidquid comperiet, citus;  
Circumque consurgens procella  
Cuncta rucas penitus mouebit.
- 4 Cælos vocabit protinus editos,  
Terramque certo non refugam loco,  
Testes peracti nempe pacti, &  
Iudicij huic populo seueri.
- 5 Dicet; Meos huc cogite nunc Pios  
Mecum feriti foederis obsides,  
Queis pacta firmavit probando  
Sacra pecus iugulata ritu.
- 6 Cæli probabunt iustitiam Dei  
Nunc vsque prompti dicere: Iudicem  
Audite me ius proloquentem  
Vos popule ò mihi iam dicite.
- 7 Testata iura en persequar, Israël,  
Tecum est quod actor nunc mihi postulem;  
Scis me DEVM, scis PRAESIDENTEM  
Esse tuum; tibi scis PATRONVM.
- 8 Non ipse raras arguo victimas  
Quas parcus aris intuleris meis;  
Non vsta totis infrequenter  
Sacra mihi reperenda membris.

## LIBER II.

29

- 9 Non aut iuuenos cornigeros domo,  
Hircosve caulis excipiam tuis:
- 10 Mī silua producit ferasque,  
Mille greges pariuntque montes.
- 11 Montes quot vsquam contineant aues  
Noui, neque agri me quadrupes fugit.
- 12 Quòd si fames me tentet, haud te,  
Me vt dapibus cumules, rogabo:  
Nam constat orbis multiparens mihi,
- 13 Quidquidque pleno continet is sinu.  
Num carne tauri pascat ipse,  
Numve capri saturer cruore?
- 14 Discas dicatæ munera gratiæ  
Offerre, summo vota ferens D E O:
- 15 Me vt liber in duris vocatum  
Temporibus celebres supernum.
- 16 Ast aduocato sic D E V S improbo,  
Statuta, dixit, quid memoras mea?  
Cur ore tentas improbando  
Ipse meum meminisse pactum?
- 17 Pertæsus ipse es discere quod decet,  
Ac verba suetus post mea ponere:
- 18 Furisque conspecti administer  
Impiger es, sociusque mœchis.
- 19 Proiecto & ore infanda iacis mala,  
Fraudemque lingua concipis improbanda.
- 20 Confringis in fratrem sedendo  
Dedecus, in sobolemque matris.
- 21 Hæc dum patrares, quòd tacui, putas  
Me moris esse aut ingenij tui,  
Sed te redargutum reumque  
Criminibus peragam relatis.
- 22 Prudenter ergo cernite, qui D E V M  
Oblinioso pectore pellitis,  
Ne raptor in prædam solutus  
Nemine vos redimente vexem.
- 23 Me, qui fatendo, sacrificat pius,  
Is me probato munere suspicit:  
Constantque mores cui, salutem  
Ipse dabo reperire D I V A M.

F 5

PSAL.